

15 NOV 2003

DR MAHATHIR BERHARI RAYA DENGAN KELUARGA

SUBANG, 15 Nov (Bernama) -- Setelah 22 tahun tidak menyambut Hari Raya bersama keluarga, bekas Perdana Menteri Tun Dr Mahathir Mohamad akan merayakan hari lebaran tahun ini bersama keluarga tersayang.

"Kali ini saya nak raya. Saya 22 tahun tak pernah raya pun...saya buat kerja (pada) Hari Raya," katanya.

Beliau berkata Hari Raya ini akan disambut bersendirian dengan keluarganya tetapi "orang boleh pergi rumah tapi datang ramai-ramai susahlah."

Semasa ditanya mengenai lawatannya ke Sepanyol serta Jepun, Dr Mahathir berkata lawatan itu berjalan lancar dan beliau dapat merehatkan diri.

Kepada soalan lain sama ada beliau mengikuti perkembangan di Malaysia, beliau berkata:"Ya, adalah sedikit...kadang-kadang saya dapatkan akhbar untuk dibaca tetapi sebahagian besarnya saya tidak membaca."

Katanya beliau meluangkan masa cutinya dengan berehat, membaca dan menulis.

"Saya ada banyak rencana untuk ditulis," kata beliau lagi.

-- BERNAMA

SR RV ROS